

INUIT ATAQATIGIIT

INATSISARTUNI



Nanortalik februarip 27-at 2012

Inatsisartut suleriaasianni § 37 naapertorlugu matumuuna apeqqutit uku nassiunneqarput:

(Inatsisartunut Ilaasortaq Debora Kleist, Inuit Ataqatigiit)

Apeqqutit:

1. Artic Prime Fisheries ApS-mit nunatta kujataani tunisassiorfiit pigineqartut, Naalakkersuisunit suleqatigiinissamut qanoq pilersaarutigineqarpa?
2. Artic Prime Fisheries ApS-p Nanortalimmi tunisassiorfiutaa ammaqinnissaanut Naalakkersuisunit qanoq pilersaaruteqartoqarpa?
3. Artic Prime Fisheries ApS-mit angallatit avataani aalisartitaasa akuersissumik tunineqarnermut atatillugut suut piumasaqaataappat?
4. Nunamut tulaasuinnissamut pisat %-anik pissimaaffiliisorneqarnerpa? Nunami suliffissaqartitsineq eqqarsaatigalu.

Tungavilersuut:

Inuit Ataqatigiit suliffissanik nunarput tamaat pitsanngorsaataasunik suleqataafiginissamut akisussaaqataanissamullu pingaartitsisuuvoq.

Taamaattumik isumaqarpunga, nunatta kujaterpiani aalisarnermik ingerlatsinerimi, suli periarfissaasinnaasunik ujartuineritigut, pitsanngorsaajuarnissaq anguniarneqartuartaqartoq. Tunisarsiorfinni aalisakkanik assigiingitsunik tulaassuisinnaaneq piffimmi periarfissaasut atorluarnerisigut.

Siornatigut Nanortalimmi tunisassiorfiup ammaneratigut inuit piumassuseqarlutik suliarortarnerat. Ilaqutariinut, inuummarinnermut, aningaasaqarnikkullu sunniutai iluatsinnartut. Kingumut sulissutigineqarnissaa piviusunngortinneqarnissaalu pisariaqartutut isiginarpoq.

Ilisimaneqartutuut Kommune Kujalleq suliffissaaleqiffioqaaq, tamannalu inuiaqatigiinnut annertuumik sunniuteqarpoq, pingaartumik aningaasaqarnerup tungaatigut. Suliffissanik ataavaarnerusunik pilersaaruteqarnissaq pingaaruteqarpoq, ulluinnarni inuunniarnerup oqinnerulernissaa anguniarlugu.

Taamaattumik suliffissaqartitsinnginerup kingunerissanik pisortaniit aningaasartuutit qaffakkiartuinnaassanngippata, suliffissanik pilersitsisinnaaneq kujataani pisariaqarluinnarpoq.